

تورک یوردی

74
②

ناشری : تورک یوردی

مدیری : آق چوره اوغلی یوسف

۲۶ کانون اول ۱۳۳۹

صافی ۸

یل ۳

کرمچک — Kermentschuk — قازان ولایتی داخلنده کرمس نهرنده کاش
بر بلغار شهرینک اسمیدر .

ایسبیل — Isbil — مورخ صادره دف . نظراً کذلک بر بلغار قصبه‌نک
اسمیدر . صوک زمانده آبرها ده اجرا ایدیلن حفریاتده بوکا مشابه « ایسبول »
کله‌سی بولنمشدرکه شخص اسمی اولدینی مأمولدر .
آشلی — Aschli — رامبری یه نظراً قدیم وولغا بلغار اولکاسنده
بولتان بر شهرک اسمیدر .

چالمات — Tschalmat — ینه بلغار شهرینک اسمیدر .

صباقول — Sabakul — وامبری بو کله‌نک بر بلغار قصبه‌سی نامی
اولدینی قبول ایدیور . ایشی‌درکی ایسه اشو لفظ شهرنامی افاده ایتجوب
منفرد ایکی اردواسملرینی بلدیرن صبا و قول الفاظندن مرکب برکله اولدینی
ادعاسندهدر .

سوار — Suvar — عرب محردلرینه نظراً « بلغار » نام شهرک‌جوارنده
کاش دیکر بر قصبه‌نک اسمی . اولجه بوکا بگزین « سیوار » شخص اسمی ذکر
ایتمش ایدک .

چیق — آس — Tschik(as) طونه نهرینک آشغی قسمنده مسکون
یرلر بو اسمله یاد اولنمقده ایش . آبرها حفریاتنده بر ستونده بوکا مطابق
مبفر کله‌سی اوقونمشدر .

تابون — Tabun — عرب محردلرندن بمضیسنک اشعاراتنه گوره
روسیاده براسکی بلغار شهرینک اسمی اولدینی آکلاشیلنمقدهدر . تابونه شمعی
شمال تورک‌لرنده سوری وعلی‌الخصوص آت سوریسی معناسنه کلیرکه روسجه‌بده
انتقال ایتمشدر .

جرمن — Tschirmen — بلغار تاریخنده شرقی بلغارستانده بر
موقعک اسمی در . حال حاضرده دخی یرمن نامیله ادرنه حوالیسنده بر
کوی موجوددر. Phonétique علمی نقطه نظرندن قلعه معناسنی افاده ایدهن
تاتارجه کرسی سوزی بوکا بگزر بر کله در .

کرمنلری — Kermenlari — بلغارستانده برکویک نامیدر . مستحکم بر
معناسنی شامل اولان تاتارجهده « کرمن یری » کلهسنه یاقیندر .

کریچیم — Kritsehim — جنوبی بلغارستانده اوزومی مبدول اولان
برکویک اسمیدر. تاتارجهده « کرچهمه » برنوع شرابدر .

۴) یوپوفک اسمی یرمنلرنده مأخوذ اسم عددلر :

مقاله مزک باشلانغجنده موضوع بحث اولان یوپوفک اسمی جدولنده
مندرج مهیم کلماتک بعضیلری رادلوف و قونیک و دیگر ذوات متفنه نک عمیق
تدقیقاتی نتیجه سنده اسم عدد اولدقلری تظاهر ایتش ایهده هنوز بومسئله حقنده
مناقشات بردوامدر. بزبونلردن یالکز مثال اوله رق برقاچ کله اراشه ایتمکله اکتفا
ایدیورز : آلتوم = Altom = آلتی ، دوخز = Dochs = طقوز ، وهچم
Vetschem = اوچ اون که آلتای لسانلرنده ۳۰ دیمکدر. آلم = Alem = اللی
والح .

۵) مختلف کلمات :

اشبو فقرده اولجه عرض ایتدیکمز ابن فضلانک مکتوبلرندن مأخوذ
بعض کلمات ایله « بولغار » لفظنک اشتقاقندن بحث ایده جکز .

بولغار — Bolgar کلهسی نک اشتقاقی ومعنای اصلیه سی حقنده برچوق
مطالعهلر بیان اولمش ایهده بر بونلردن یالکز اوچ درت لسان متخصصنک
بیاناتی بک مختصر اوله رق بلدیوریورز :

فین نظریه سی مدافعی رُردر اشبو کله نك ایکی فین جذرندن مرکب بولندینی فکرنددر ، یعنی سو معناسنه کان « بول » Bul وخلق ، انسان وقوم معنارینی شامل « غار » ویا « گهر » gar , Gher اساسلرندن متشکل که « بول - غار » سو انسانلری معناسی افاده ایدر . محرر موسی الیه کوره فین اقوامی عمومیتله صر انسانلری ویا طویراق انسانلری کبی اسملرله تسبیح اولنمقده ایمشله ؛ نته کیم « بحار » کله نك دخی عینی صورتده تشکل ایتدیکنی بلدیوریور: ماجار کله سی طویراق معناسی افاده ایدن « ما » Ma و یوقاریده مذکور « گهر » = انسان اساسلرندن مرکب اولوب « ما گهر » = ماجار یعنی طویراق آدملری ، طویراق اوزرنده یاشایان انسانلر دیمکدر .

طوماشه ک ایسه « بولغار » لفظی قاریشتمق معناسه کلان « بولنمق » تورک مصدرندن مشتق اولدینی فکرنددر و معناسیده قاریشیق (قاریشیق ملت) یاخود قاریشیریجی وعاصی اوله بیلیر .

وامبری « بولغار » سوزینک عاصی وقاریشیریجی معنارینه کلوب عصیان ایتدیرمک وقاریشیرمق فعلی کوسترک « بولنمق » تورک مصدرندن نشأت ایتدیکنی ادعا ایدیور .

زولوتینسکی — Zolotniski یه نظراً « بولغار » کله سی ایکی عنصردن مرکب اولوب بولردن بری جاغاقای تورکجه سنده یر ، وحوالی معنارینه کلن لفظلرکه « یر » jer و تاتارججه « یر » jr لفظلرینک اصل عمومی بولسان « آر » ar عنصری ایله اصول صوتیه جه « بیگ » Bijg شکلده مطابق اولان « بولغ » Bulg عنصرلرندن عبارتدر ، شویله که « بولغ - آر » Bulg-ar « بیگ - یر » = « بیگر » Bijgh-Jer عثمانلی تورکجه سنده بیوک یر دیمکدر . زولوتینسکی نك بیاناتنه کوره ووتیاق فینلری شیمدی دخی تاتارلره « بیگر » Bijgher نامی ویرمکده درلر . بیزانس مورخلری ده وولغا بلغارستان « یرک بلغارستان » اسمی ایله یاد ایدیورلر .

بولغار پروفورلرندن شیشمانوف بو کله نك اوچ عنصردن عبارت اولدینی ظن ایتمکده در . اول معناسی مجهول اولان « بول » Bol ثانیاً دره معناسی

افاده ایدن قینجه « غا » gha که بولغا = وولغا نهرینک اسمنی ترکیب ایدیورلر،
اوجنچی عنصر دخی قزانلورده مستعمل ایر - ir که عثمانلی تورکله سنده
مطابق « آر » ir یعنی ارکک و قهرمان در .

شویله که : بولغا - ار = بولغار حرفیآ وولغا ارکی = وولغا انسانی =
وولغالی دیمکدر .

اولجده دیدیکمز کی آنا دیلارینک هر درلو اینجه لکترینه اکتساب و قوف
ایده جک مستقبل تورک لسان متخصصلرینک کرک بو سوز و کرک شمعی به قدر
لایقيله تفسیر ایدلمه مش بتون تورک - بولغار الفاظ و عنوانی حقنده صوک
سوزی سویله به جکلرینی اومارز .

بلطوار - Bltvar - کله سی شیمدی به قدر بتون بتونه مبهم قالمشدر .

سجو - Sidjü - لغتی وامبری به نظر آ تورک - تاتار لسانلرنده طاتلی و شراب

معنانه کلیر . صوحی (Sūdžü) کله سنک عینی در . سامی بک لغاتنده سرمهی
سوزی شراب معنانه تصادف اولمقده در .

پیتمدی

ابراهه مانولف